



**Broj/Број:02 –50 –1-51-51/'05
Sarajevo/Сарајево, 1.12.2005.**

ZAPISNIK

**51. sjednice Doma naroda
Parlamentarne skupštine Bosne i Hercegovine,
održane 28. novembra 2005.godine**

Sjednica je počela u 11,25 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 12 delegata.

Delegati Branko Zrno, Boško Šiljegović i Goran Milojević opravdali su izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Nakon rasprave u kojoj su učestvovali: Hasan Čengić, Mustafa Pamuk, Halid Genjac, Velimir Jukić i Vinko Radovanović usvojen je sljedeći

DNEVNI RED

1. Odgovori na delegatska pitanja i delegatska pitanja;
2. Usvajanje zapisnika 49. i 50. sjednice Doma naroda;
3. Izvještaj Zajedničke komisije oba doma o nastojanju postizanja sporazuma o identičnom tekstu Zakona o Javnom radiotelevizijskom servisu Bosne i Hercegovine;
4. Zahtjev Vijeća ministara BiH za razmatranje Prijedloga zakona o izmjeni Zakona o javnim nabavkama po hitnom postupku, u skladu sa članom 99. Poslovnika Doma naroda;
5. Prijedlog zakona o postupku indirektnog oporezivanja (prvo čitanje);
6. Prijedlog zakona o postupku prisilne naplaće indirektnih poreza u BiH (prvo čitanje);
7. Prijedlog zakona o izmjenama i dopunama Zakona o administrativnim taksama (prvo čitanje);
8. Prijedlog zakona o sprečavanju i suzbijanju zloupotrebe opojnih droga (prvo čitanje);
9. Prijedlog zakona o izmjenama i dopunama Zakona o ombdusmenu za ljudska prava Bosne i Hercegovine (prvo čitanje);
10. Prijedlog zakona o carinskim prekršajima BiH (prvo čitanje);
11. Prijedlog poslovnika Doma naroda Parlamentarne skupštine Bosne i Hercegovine
12. Prijedlog odluke o organizaciji Sekretarijata Parlamentarne skupštine BiH;
13. Davanje saglasnosti za ratifikaciju Sporazuma o zračnom saobraćaju između Vijeća ministara Bosne i Hercegovine i Vlade Republike Bugarske;
14. Davanje saglasnosti za ratifikaciju Sporazuma između Vijeća ministara BiH i Vlade Kraljevine Norveške o readmisiji vlastitih državljana i državljana trećih zemalja;

15. Davanje saglasnosti za ratifikaciju dopunskog Ugovora o kreditu između Evropske zajednice, Bosne i Hercegovine i Centralne banke Bosne i Hercegovine;
16. Davanje saglasnosti za ratifikaciju Sporazuma o preuzimanju uloge suosnivača za Institut za nestala lica Bosne i Hercegovine između Vijeća ministara Bosne i Hercegovine i Međunarodne komisije za nestala lica;
17. Davanje saglasnosti za ratifikaciju Sporazuma o pružanju zrakoplovnih usluga između Vijeća ministara Bosne i Hercegovine i Vlade Republike Makedonije;
18. Davanje saglasnosti za ratifikaciju Administrativnog sporazuma za provođenje Ugovora između Bosne i Hercegovine i Republike Makedonije o socijalnom osiguranju;
19. Davanje saglasnosti za ratifikaciju Nota sporazuma između Bosne i Hercegovine i Republike Slovenije o uslovima trajnog prijenosa dijela kontigenta detašmana Republike Slovenije u korist Bosne i Hercegovine;
20. Davanje saglasnosti za ratifikaciju Evropske konvencije o pranju, traganju, privremenom oduzimanju i oduzimanju prihoda stečenog krivičnim djelima;
21. Davanje saglasnosti za ratifikaciju Ugovora između BiH i Republike Makedonije o socijalnom osiguranju.

Ad-1. Odgovori na delegatska pitanja i delegatska pitanja

Odgovor na delegatsko pitanje dobio je Osman Brka.

Delegat se izjasnio da je zadovoljan dobivenim odgovorom.

Delegat Tomislav Limov je postavio sljedeća pitanja Vijeću ministara:

1. „Hoće li, kada i na koji način delegati i poslanici Parlamentarne skupštine Bosne i Hercegovine biti zvanično upoznati sa sadržajem strategije za pregovore sa Evropskom komisijom o Sporazumu o stabilizaciji i pridruživanju Bosne i Hercegovine sa Evropskom unijom?
2. Kakva je konkretno uloga Parlamentarne skupštine Bosne i Hercegovine i njenih radnih tijela u procesu pregovaranja o sporazumu o stabilizaciji i pridruživanju?

Ad-2. Usvajanje zapisnik 49. i 50. sjednice Doma naroda

Zapisnici 49. i 50. sjednice Doma naroda jednoglasno su usvojeni.

Ad-3. Izvještaj Zajedničke komisije oba doma o nastojanju postizanja sporazuma o identičnom tekstu Zakona o Javnom radiotelevizijskom servisu Bosne i Hercegovine;

Rasprava o ovoj tački dnevnog reda nije vođena.

Dom naroda je većinom glasova usvojio Izvještaj Zajedničke komisije o nastojanju za postizanje sporazuma o identičnom tekstu Zakona o Javnom radiotelevizijskom servisu Bosne i Hercegovine;

Ad-4. Zahtjev Vijeća ministara BiH za razmatranje Prijedloga zakona o izmjeni Zakona o javnim nabavkama po hitnom postupku, u skladu sa članom 99. Poslovnika Doma naroda;

U raspravi o ovoj tački dnevnog reda učestvovao je Halid Genjac.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o izmjeni Zakona o javnim nabavkama po hitnom postupku, u skladu sa članom 99. Poslovnika Doma naroda.

Ad-5. Prijedlog zakona o postupku indirektnog oporezivanja (prvo čitanje);

U raspravi su učestvovali: predstavnik predlagača Ljerka Marić, Ruža Stojanović i Đoko Pajić.

Dom naroda jednoglasno je u oba čitanja usvojio Prijedlog zakona o postupku indirektnog oporezivanja u identičnom tekstu kao i na Predstavničkom domu.

Ad-6. Prijedlog zakona o postupku prisilne naplaće indirektnih poreza u BiH (prvo čitanje);

Rasprava o ovoj tački dnevnog reda nije vođena.

Dom naroda jednoglasno je u oba čitanja usvojio Prijedlog zakona o postupku prisilne naplate indirektnih poreza u BiH u identičnom tekstu kao i na Predstavničkom domu.

Ad-7. Prijedlog zakona o izmjenama i dopunama Zakona o administrativnim taksama (prvo čitanje);

Rasprava o ovoj tački dnevnog reda nije vođena.

Dom naroda jednoglasno je u oba čitanja usvojio Prijedlog zakona o izmjenama i dopunama Zakona o administrativnim taksama sa sljedećim amandmanima:

Amandman I

U Prijedlogu zakona o izmjenama i dopunama Zakona o administrativnim taksama dodaje se novi član 1., koji glasi:

„U Zakonu o administrativnim taksama (Službeni glasnik BiH“, broj 16/02, 19/02 i 43/04) u članu 1. iza riječi „institucijama“ riječi: „Bosne i Hercegovine“ zamjenjuju se riječima: „u Bosni i Hercegovini“.

Dosadašnji član 1. Prijedloga zakona o izmjenama i dopunama Zakona o administrativnim taksama postaje član 2., član 2. postaje član 3. itd.

Amandman II

Član 2. (ranije član 1.) Prijedloga zakona o izmjenama i dopunama Zakona o administrativnim taksama mijenja se i glasi:

Član 2.

U članu 13. u tački 1.) iza riječi: „Bosne i Hercegovine“ tačka i zarez zamjenjuju se zarezom i dodaju riječi: „entiteti, Brčko Distrikt Bosne i Hercegovine, kantoni, općine, gradovi i njihovi organi“.

U članu 13. iza tačke 4. dodaje se tačka 5. koja glasi:

„5. podnosioci prijava, s priložima, za ostvarivanje zakonom priznatih carinskih i poreskih olakšica“.

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

Mustafa Pamuk

Branko Zrno

Ruža Stojanović

Ad-8. Prijedlog zakona o sprečavanju i suzbijanju zloupotrebe opojnih droga (prvo čitanje);

U raspravi o ovoj tački dnevnog reda učestvovali su: Tomislav Limov, Ilija Filipović i predstavnik predlagača.

Dom naroda jednoglasno je u oba čitanja usvojio Prijedlog zakona o sprečavanju i suzbijanju zloupotrebe opojnih droga u identičnom tekstu kao i na Predstavničkom domu.

Ad-9. Prijedlog zakona o izmjenama i dopunama Zakona o ombdusmenu za ljudska prava Bosne i Hercegovine (prvo čitanje);

U raspravi o ovoj tački dnevnog reda učestvovali su: Đoko Pajić, Velimir Jukić i Ilija Filipović.

Dom naroda je u oba čitanja usvojio Prijedlog zakona o izmjenama i dopunama Zakona o ombdusmenu za ljudska prava Bosne i Hercegovine sa sljedećim amandmanima:

Amandman I.

U članu 1. iza stava (2) dodaju se novi st. (3) i (4), koji glase:

«(3) **Sjedište Ombudsmena za ljudska prava BiH je u Bajnjoj Luci.** Institucija ima urede u Mostaru, Sarajevu i Brčko Distriktu BiH, a po potrebi, može ih osnovati i u drugim mjestima u BiH.

(4) Institucija ombudsmena organizirat će posebne organizacijske jedinice za praćenje ostvarivanja prava djece, osoba s invaliditetom i prava nacionalnih, vjerskih i drugih manjina.»

Amandman II.

Član 3. mijenja se i glasi:

«Član 3.

Član 8. mijenja se i glasi:

1. Instituciju čine tri osobe.
2. Ombudsmeni sarađuju pri obavljanju svojih dužnosti. Aktivnost provođenja istrage i razmatranja pojedinačnih žalbi ili razmatranja problema *ex officio* može obaviti pojedinačno svaki od ombudsmena, s tim što podjela zadataka među njima neće zavisiti od kriterija etničkog porijekla podnosioca žalbe. Ombudsmeni zajednički daju prijedloge, rješenja i donose izvještaj.
3. Koordinaciju poslova u radu Institucije vodi jedan od ombudsmena u periodu od dvije godine, koji je u tom periodu predsjedavajući.
4. Za imenovanje ombudsmena Parlamentarna skupština BiH osniva posebnu ad hoc komisiju, koja objavljuje javni poziv i nakon provedene procedure utvrđuje listu za kandidate koji ispunjavaju uslove utvrđene ovim Zakonom.
5. Lista Kandidata dostavlja se Predstavničkom domu i Domu naroda Parlamentarne skupštine BiH na daljnji postupak. Parlamentarna skupština BiH može od kandidata zatražiti predstavljanje njihovog koncepta rada Institucije.
6. Parlamentarna skupština BiH imenovat će istovremeno tri ombudsmena u instituciju Ombudsmena, a na mandat od šest godina. Ombudsmene imenuju i razrješuju Predstavnički dom i Dom naroda Parlamentarne skupštine BiH većinom glasova, u skladu sa poslovníkom o radu svakog doma. Redoslijed ombudsmena koji koordiniraju rad Institucije određuje se po abecednom redu ombudsmena. Poslovníkom o radu bliže će se urediti način ostvarivanja redoslijeda koordiniranja i druga pitanja primjene ovog primjera.
7. Ombudsmeni se, u pravilu, imenuju iz tri konstitutivna naroda (bošnjačkog, hrvatskog i srpskog), što ne isključuje mogućnost imenovanja i iz reda ostalih.»

Amandman III.

U članu 4. stav (2) mijenja se i glasi:

«(2) Imenovanje ombudsmena, u skladu sa ovim zakonom, provodi se u roku ne dužem od 60 dana od dana dostave prijedloga ad hoc komisije Predstavničkom domu i Domu naroda

Parlamentarne skupštine BiH, a najduže u roku od tri mjeseca od dana kada mjesto ostane upražnjeno ili kada ombudsmen prestane vršiti svoju dužnost iz razloga predviđenih ovim zakonom, izuzev u slučajevima ako je do isteka mandata ombudsmena ostalo manje od šest mjeseci.»

Amandman IV.

Član 5. mijenja se i glasi:

«Član 5.

Član 10. mijenja se i glasi:

1. Ombudsmeni će biti imenovani na period od šest godina i mogu biti ponovo izabrani.
2. Svaki ombudsmen koji bude imenovan nakon ostavke ombudsmena ili prestanka dužnosti iz razloga utvrđenih ovim Zakonom bit će na toj dužnosti preostali dio mandata i može biti ponovno izabran.
3. Plaća ombudsmena utvrđuje se u visini plaće sudije Ustavnog suda BiH.
4. Plaće savjetnika, pomoćnika ombudsmena i plaće ostalih zaposlenih u Instituciji utvrđuju se u visini plaća državnih službenika i namještenika zaposlenih u institucijama BiH, uz saglasnost Ministarstva finansija i trezora BiH, u skladu sa odobrenim budžetskim sredstvima.»

Amandman V.

U članu 6. riječi: «i zamjenika ombudsmena» brišu se.

Amandman VI.

Član 7. mijenja se i glasi:

«Član 7.

U članu 12. st. (3). i (5). se mijenjaju i glase:

- (3) Kada je mjesto ombudsmena upražnjeno, postupak imenovanja novoga ombudsmena počinje u roku od jednoga mjeseca.
- (5) Kada mjesto ombudsmena ostane upražnjeno iz drugih razloga a to nije istek mandata, ombudsmeni koji ostaju na svome položaju privremeno će obavljati njegove dužnosti sve dok se ne završi imenovanje novoga ombudsmena.»

Amandman VII.

Član 8. briše se u cijelosti.

Amandman VIII.

Član 10. mijenja se i glasi:

«Član 10.

Stav (1) člana 15. mijenja se i glasi:

1. Ombudsmeni su nezavisni i samostalni u svome radu. Ombudsmeni neće primati nikakve naredbe. U okviru svojih ustavnih i zakonskih ovlaštenja, nijedan ombudsmen neće dobivati uputstva od organa vlasti. Ombudsmeni će djelovati u okviru ustavnih i zakonskih odredbi i međunarodnih pravnih akata o ljudskim pravima i slobodama koje je prihvatila Bosna i Hercegovina.

2. Ombudsmeni su dužni u svome radu pridržavati se načela pravde i morala.»

Amandman IX.

U članu 12. stav (2) briše se.

Amandman X.

Član 14. mijenja se i glasi:

«Član 14.

Član 37 mijenja se i glasi:

Izbor osoblja u Instituciji provodit će se putem javnog konkursa, u skladu sa zakonom, a što se bliže uređuje aktom u unutarnjem uređenju i sistematizaciji Institucije.»

Amandman XI.

U članu 20. stav (3) briše se.

Stav (4) postaje stav (3).

Stav (5) briše se.

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

Osman Brka
Tomislav Limov
Boško Šiljegović

Ad-10. Prijedlog zakona o carinskim prekršajima BiH (prvo čitanje);

U raspravi o ovoj tački dnevnog reda učestvovao je Hasan Čengić.

Dom naroda je u oba čitanja usvojio Prijedlog zakona o carinskim prekršajima BiH u identičnom tekstu kao i na Predstavničkom domu.

Ad-11. Prijedlog poslovnika Doma naroda Parlamentarne skupštine Bosne i Hercegovine

U raspravi su učestvovali: Ilija Filipović, Velimir Jukić, Halid Genjac, Tomislav Limov, Đoko Pajić, Vinko Radovanović, Hasan Čengić, Osman Brka i Mustafa Pamuk

Dom naroda jednoglasno je usvojio Prijedlog Poslovnika Doma naroda Parlamentarne skupštine Bosne i Hercegovine sa sljedećim amandmanima:

Amandman I

U članu 12. dodaje se stav (2) koji glasi:

"(2) Svojim zaključkom Dom na prijedlog Kolegija Doma određuje kriterije po kojima delegat, u svojstvu izabranog zvaničnika, ima pravo na status stalnog zaposlenja izvan Doma."

Amandman II

U članu 17. stav (1) tačka a) iza riječi "dužnosti" treba dodati slijedeći tekst:

"te izradu prijedloga kriterija kojim se reguliraju prava i obaveze delegata na profesionalnom radu."

Amandman III

U članu 21. u stavu (2) u trećoj rečenici tekst: "koji je predsjedavao prethodnom sjednicom", mijenja se i glasi: "koji predsjedava sjednicom."

Amandman IV

U članu 29. briše se stav (2) i dodaju se novi st. (2) i (3) koji glase:

"(2) Predlagač je dužan da predloži ciljeve i zadatke komisije."

"(3) Zadatci i sastav komisije utvrđuju se zaključkom Doma."

Amandman V

U članu 40. stav (3) tekst: "Zajednička komisija za administrativne poslove propisuje uslove za javni konkurs, raspisuje i provodi javni konkurs i predlaže Domu listu stručnjaka, u dogovoru s nadležnim komisijama." zamjenjuje se tekстом:

"Javni konkurs raspisuje i provode stručne službe Sekretarijata PSBiH na osnovu kriterija koje je utvrdila Zajednička komisija za administrativne poslove."

U istom članu dodaje se stav (4) koji glasi:

"Zajedničko povjerenstvo za administrativne poslove utvrđuje i predlaže Domu listu stručnjaka usaglašenu s nadležnim komisijama."

Amandman VI

U članu 47. tačka b) mijenja se i glasi:

"Zajedničko sigurnosno-obavještajna komisija za nadzor nad radom Obavještajno-sigurnosne agencije BiH."

U istom članu u tački f) riječi: "ravnopravnost spolova" mijenjaju se riječima: "prava djeteta, mlade,".

Amandman VII

Naslov člana 49. mijenja se i glasi:

"Član 49.

(Zajednička sigurnosno-obavještajna komisija za nadzor nad radom Obavještajno-sigurnosne agencije BiH)"

U članu 49.(2) na kraju teksta tačka se zamjenjuje zarezom i dodaju riječi: "kao i u drugim posebnim zakonima iz kojih proističe odgovarajuća nadležnost."

Amandman VIII

Stav (1) člana 52. mijenja se i glasi:

"Zajednička komisija za administrativne poslove:

a) usvaja akte koji reguliraju visinu plaća i naknada za sve zaposlene u PSBiH;"

b) usvaja akte koji reguliraju visinu naknada za specifične materijalne troškove zaposlenika u PSBiH, donosi pojedinačne akte o plaćama i naknadama materijalnih i drugih troškova, naknadama i dnevnicama za angažiranje stručnjaka i svjedoka, kao i naknadama određenih materijalnih troškova savjetnika;

c) u saradnji s nadležnim tijelima oba doma, prati i razmatra izvještaj o izvršenju budžeta za PSBiH i o tome izvještava domove te donosi sve akte PSBiH kojima se regulira trošenje, odnosno upotrebu sredstava utvrđenih budžetom PSBiH;"

d) obavlja aktivnosti u vezi s nekretninama u vlasništvu PSBiH, posebno s korištenjem stanova za zaposlene u PSBiH i raspolaganje stanovima; odlučuje o njihovoj dodjeli na korištenje, zamjenu i jednokratni prijenos korištenja u skladu sa zakonom;

- e) odlučuje o dodjeli privremenog smještaja zaposlenim u skladu sa zakonom i aktima PSBiH;
- f) daje saglasnost na Pravilnik o unutarnjoj organizaciji Sekretarijata, u skladu sa Odlukom o organizaciji Sekretarijata koju donosi PSBiH;
- g) daje prijedlog i mišljenje o promjeni organizacije Sekretarijata;
- h) definira uslove za korištenje automobila u obavljanju službenih dužnosti;
- i) na osnovu godišnjih izvještaja klubova o utrošku sredstava i iskazanih godišnjih potreba klubova odlučuje i godišnje izvještava Dom o preraspodjeli finansijskih sredstava, prostorija, kao i administrativnih, tehničkih i drugih usluga za rad klubova;
- j) utvrđuje kriterije za angažiranje stručnjaka i svjedoka za potrebe komisija i drugih radnih tijela Doma."

Amandman IX

U članu 53. stav (1), u nazivu Komisije riječi: "ravnopravnost spolova", mijenjaju se riječima: "prava djeteta, mlade,".

U članu 53. stav (1) u tačkama i), j), k), l), m) i n), mijenjaja se tekst i glasi:

"i) razmatrati pitanja u vezi s ostvarivanjem prava djeteta – posebno poboljšanjem statusa djeteta u Bosni i Hercegovini;

j) podsticanje aktivnosti u institucijama BiH na provođenju Konvencije o pravima djeteta, kao i poticanje i ostvarivanje saradnje s komisijama entitetskih parlamenata na poboljšanju statusa djeteta i provođenje Konvencije o pravima djeteta;

k) razmatranje predloženih zakona i drugih propisa sa stanovišta prava djeteta i sprečavanje diskriminacije prava djeteta;

l) razmatranje pitanja u vezi s ostvarivanjem prava mladih - posebno poboljšanja prava mladih u Bosni i Hercegovini;

m) podsticanje aktivnosti u institucijama BiH na usvajanju i provođenju najznačajnijih međunarodnih dokumenata o pitanju mladih;

n) razmatranje prijedloga dokumenata i izvještaja institucija BiH koji se odnose na prava

U članu 53. stav (2) riječi: "ostvarivanja ravnopravnosti spolova" mijenjaju se riječima: djeteta i na pitanja mladih, te razmatranje priprema za učešće delegacija BiH na međunarodnim skupovima kada se razmatraju pitanja prava djeteta i pitanja mladih."

"prava djeteta, mladih,"

Amandman X

U članu 63. iza stava (1) dodaje se novi stav (2) koji glasi:

"(2) Predlagač zakona ima pravo i obavezu da prije početka rasprave obrazloži prijedlog zakona u vremenu do 15 minuta."

Dosadašnji st. (2) i (3) postaju st. (3) i (4).

Amandman XI

Član 87.(1) mijenja se i glasi:

"(1) Zajedničku sjednicu oba doma sazivaju predsjedavajući domova:

- a) u svim prilikama po ocjeni Zajedničkog kolegija oba doma,
- b) u svečanim prilikama,
- c) u izuzetim okolnostima na zahtjev Predsjedništva BiH."

Amandman XII

U članu 93.(1) u drugoj rečenici iza riječi: "na" dodaju se riječi "pismu i"
 U članu 93.(1) u trećoj rečenici iza riječi: "jezika" dodaju se riječi "i pismu".

Amandman XIII

U članu 99. u stavu (1) na kraju rečenice riječi: "u roku od 15 dana" zamjenjuju se riječima: "u roku od 7 do 15 dana".

Amandman XIV

U članu 101. u stavu (1) na kraju rečenice riječi: "u roku od 15 dana" zamjenjuju se riječima: "u roku od 7 do 15 dana".

U istom članu, u stavu (2) riječi: "mišljenja komisija" zamjenjuju se riječima: "mišljenje ustavnopravne ili nadležne komisije."

Amandman XV

U članu 103. iza stava (1) dodaje se novi stav (2) koji glasi:
 "(2) Nakon što rasprava počne, pored amandmana iz stava (1) ovog člana, predsjedavajući, u dogovoru s zamjenicima predsjedatelja povjerenstva, odobrava raspravu o novim amandmanima samo u sljedećim slučajevima:

- a) kada se odnose na nove aspekte; ili
- b) kada nastoje usaglasiti dva ili više prijedloga o kojima se vodi rasprava."

Stav (2) postaje stav (3).

Amandman XVI

U članu 106. u stavu (1) na kraju rečenice riječi: "u roku od 15 dana" zamjenjuju se riječima: "u roku od 7 do 15 dana".

Amandman XVII

U članu 121. u stavu (3) zadnja rečenica se briše.

Dodaje se novi stav (4) koji glasi:

"(4) Kada se prijedlog zakona razmatra u skraćenom postupku, Kolegij može dodatno ograničiti dužinu trajanja rasprave, kao i ograničiti koliko puta delegat može dobiti riječ."

Raniji stav (4) postaje stav (5).

Amandman XVIII

U članu 146. stav (3), na kraju prve rečenice briše se tačka i dodaje tekst: "i osigurava direktan TV prijenos."

Amandman XIX

U članu 149, stav (1), druga rečenica se mijenja i glasi:

"Nakon toga, delegat može dati komentar na odgovor ili postaviti novo pitanje u vremenu do dvije minute."

Amandman XX

Član 181. mijenja se i glasi:

"Član 181.

Postupak o prijedlozima zakona i drugih akata koji se nalaze u parlamentarnoj proceduri okončat će se prema odredbama dosadašnjeg Poslovnika ("Službeni glasnik BiH" broj 20/00)."

Dom naroda imenovao je sljedeće delegate za članove Zajedničke komisije radi usaglašavanja odredbi Poslovnika koje treba da budu identične u poslovnicima oba doma Parlamentarne skupštine BiH:

Halid Genjac

Velimir Jukić

Vinko Radovanović

Ad-12. Prijedlog odluke o organizaciji Sekretarijata Parlamentarne skupštine BiH;

Rasprava o ovoj tački dnevnog reda nije vođena.

Dom naroda jednoglasno je usvojio Prijedlog odluke o organizaciji Sekretarijata Parlamentarne skupštine BiH u identičnom tekstu kao i na Predstavničkom domu.

Ad-12. – 21. Davanje saglasnosti za ratifikaciju sporazuma, ugovora i Konvencije.

U raspravi su učestvovali: predstavnik predlagača Ljerka Marić, Hasan Čengić, Ilija Filipović, Tomislav Limov i Velimir Jukić.

Dom naroda jednoglasno je dao saglasnost za ratifikaciju:

- Sporazuma o zračnom saobraćaju između Vijeća ministara Bosne i Hercegovine i Vlade Republike Bugarske;
- Sporazuma između Vijeća ministara BiH i Vlade Kraljevine Norveške o readmisiji vlastitih državljana i državljana trećih zemalja;
- Dopenskog Ugovora o kreditu između Evropske zajednice, Bosne i Hercegovine i Centralne banke Bosne i Hercegovine;
- Sporazuma o preuzimanju uloge suosnivača za Institut za nestala lica Bosne i Hercegovine između Vijeća ministara Bosne i Hercegovine i Međunarodne komisije za nestala lica;
- Sporazuma o pružanju zrakoplovnih usluga između Vijeća ministara Bosne i Hercegovine i Vlade Republike Makedonije;
- Administrativnog sporazuma za provođenje Ugovora između Bosne i Hercegovine i Republike Makedonije o socijalnom osiguranju;
- Nota sporazuma između Bosne i Hercegovine i Republike Slovenije o uslovima trajnog prijenosa dijela kontigenta detašmana Republike Slovenije u korist Bosne i Hercegovine;
- Evropske konvencije o pranju, traganju, privremenom oduzimanju i oduzimanju prihoda stečenog krivičnim djelima;
- Ugovora između BiH i Republike Makedonije o socijalnom osiguranju;

Sjednica je završena u 16, 40 sati.

Sastavni dio ovog zapisnika je neautorizirani transkript 51. sjednice Doma naroda.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Mustafa Pamuk